

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 148. sjednici, održanoj dana 31.03.2022. godine, d o n o s i

R J E Š E N J E

o imenovanju Radne grupe za stručnu podršku, nadzor i evaluaciju usklađivanja sistema procjene i upućivanja djece s teškoćama u razvoju na području Zeničko-dobojskog kantona

Član 1.

Imenuje se Radna grupa za stručnu podršku, nadzor i evaluaciju usklađivanja sistema procjene i upućivanja djece s teškoćama u razvoju na području Zeničko-dobojskog kantona, u sastavu:

1. Edin Arnaut, predsjednik - Ministarstvo za rad, socijalnu politiku i izbjeglice,
2. Amila Herceg-Hodžić, član - Ministarstvo za obrazovanje, nauku, kulturu i sport,
3. Karmen Jung-Čaušević, član - Ministarstvo zdravstva,
4. Admir Hasić, član - JU Centar za djecu i odrasle osobe s posebnim potrebama Zeničko-dobojskog kantona,
5. Nedim Patković, član - JU Centar za djecu i odrasle osobe s posebnim potrebama Zeničko-dobojskog kantona,
6. Nedžad Alić, član – JU Centar za socijalni rad Zenica,
7. Kenan Kokić, član – JU OŠ „Mak Dizdar“ Zenica,
8. Kenan Strika, član - JU Dom zdravlja Zenica,
9. Dedić Selvedin, član - Koalicija organizacija osoba s invaliditetom Zeničko-dobojskog kantona.

Član 2.

Zadatak Radne grupa je da koordinira i učestvuje u provedbi: Mape za implementaciju preporuka dokumenta „Analize postojećih propisa i praksi kod procjene i upućivanja djece s teškoćama u 10 kantona Federacije Bosne i Hercegovine“, Akcionog plana transformacije sistema procjene i upućivanja djece s teškoćama za Zeničko-dobojski kanton, vrši stručnu podršku, nadzor i evaluaciju usklađivanja sistema procjene i upućivanja djece s teškoćama u razvoju, te revidira smjernice, kriterije, priručnik i pravilnik o procjeni, praćenju i upućivanju djece s teškoćama ili invaliditetom u skladu sa Međunarodnom klasifikacijom zdravlja, invaliditeta i funkcionisanja (MKF).

Radna grupa će aktivnosti realizovati uz stručnu i finansijsku podršku UNICEF BiH i saradnju sa uspostavljenim Stručnim tijelom za procjenu, praćenje i upućivanje djece s teškoćama u razvoju te drugim relevantnim institucijama/ ustanovama i organizacijama civilnog društva koje rade na zaštiti djece s teškoćama u razvoju na području Zeničko-dobojskog kantona.

Član 3.

Ministarstvo za rad, socijalnu politiku i izbjeglice, Ministarstvo za obrazovanje, nauku, kulturu i sport i Ministarstvo zdravstva Zeničko-dobojskog kantona su obavezni da aktivno učestvuju i daju doprinos u procesu usklađivanja sistema procjene djece s teškoćama sa Međunarodnom klasifikacijom zdravlja, invaliditeta i funkcionisanja.

Član 4.

Donošenjem ovog rješenja prestaje da važi Rješenje Valade Zeničko-dobojskog kantona, broj: 02-04-11384/20 od 03.07.2020. godine.

Član 5.

Rješenje stupa na snagu danom donošenja.

Broj: 02-_____/22
Datum, 31.03.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo za obrazovanje, nauku, kulturu i sport,
1x Ministarstvo zdravstva,
1x JU Centar za djecu i odrasle osobe s posebnim potrebama
 Zeničko-dobojskog kantona, putem Ministarstva,
1x Predsjednik i članovi Radne grupe, putem Ministarstva,
1x a/a.